

Proljetni plan ŠUR, podsijavanje sjemenom jele (*Abies alba* L.)


Operativnim planom ŠUR-va za proljeće 2025. godine, na području kojim gospodari JP “Šume TK” dd Kladanj, planirano je podsijavanje sjemena jele. Sjeme jele koje je planirano za podsijavanje skupljeno je iz sječine u jesen 2024. godine u odjelu 75/1, GJ “Gornja Drinjača”, a na osnovu Zapisnika broj: 01/1-3993/24 od 26.09.2024. godine, koji je sačinjen od strane stručnih lica Šumarskog fakulteta u Sarajevu.



U periodu 26.03. do 28.03.2025. godine, uposlenici Šumarije “Tuzla”, Šumarije “Banovići” i Šumarije “Jelica” radili su akcije podsijavanja sjemenom obične jele. Podsijavanje sjemena je izvršeno na površini od 4,50 ha i to:

- Odjel 26”a”, GJ “Rudenik - Svatovac” 1,00 ha
- Odjel 142”c”, GJ “Turija” 1,00 ha
- Odjel 69”a”, GJ “Oskova” 1,00 ha
- Odjel 2/2”c”, GJ “Donja Krivaja” 1,00 ha
- Odjel, 77/01, GJ “Sapna - Lokanjska Rijeka” 0,50 ha

Sjetva je vršena na način, da se na progalama motornom kopačicom, trnokom ili motikom prekopale (rahlenje) pruge ili parcelice do 5cm dubine. Predhodeno su uklonjene korovske i druge nepoželjne vrste, kao i listinac. Zatim je provedena sjetva omaškom rukom. Nakon čega se grabljama zbijalo tlo i vratilo do 50 % listinca. Podsijavanje je rađeno u pruge širine 0,50 m, max dužine 3,0 m i parcelice širine 1,00 m, max dužine 2,00 m. Razmak između pruga i parcelica je iznosio 2,50 m. Ukupno je podsijano 45 kg sjemena jele.



Cilj podsijavanja sjemena jele je obnova šumskih sastojina, tj. osnivanje mješovitih šuma bukve i jele, te povratak klimatogene vegetacije, kako bi podsijano područje moglo u potpunosti ispunjavati svoje ekološke, ekonomske i socijalne funkcije.